

Pinerluuteqarsimasunik Isumaginnittoqarfiup isertitsiviini allakkatigut attaveqatigiissinnaaneq telefonersinnaanerlu pillugit nalunaarut (allakkat telefonilu pillugit nalunaarut)

Kalaallit Nunaanni pinerluttulerineq pillugu inatsimmi nr. 306-imi, 30. april 2008-meersumi § 217, imm. 3 aamma § 245, imm. 4 tunngavigalugit makku aalajangersarneqarput:

Kapitali 1 *Allaffigeqatigiittarneq*

§ 1. Isertitsivinniittut pinerluttulerineq pillugu inatsimmi §§-ini 217-imi aamma 218-imi malittarisassat tunngavigalugit allaffiginneqatiginnissinnaatitaapput.

Imm. 2. §§-it 2-mit 7-imut pensionini atuutinngillat.

§ 2. Isertitsivinniittut pappiaranut allaffissianut, allakkat puussaannut frimærkinullu aningaasartuutit namminneq akilissavaat, taamaattorli tak. imm. 2. Isertitsivinniittut aningaasanik nammineq aqutassaminnik tunineqarneq ajortut, namminneq sulinerikkut isertitaqanngitsut pisortanilluunniit inuuniutissanut ikiorsiissutisineq ajortut eqqarsaatigalugit taakku pappiaranik allaffissianik allakkallu puussaannik Pinerluuteqarsimasumik Isumaginnittoqarfiup naqitsisaanik naqitsiseqanngitsunik isertitsiviulluunniit ilisarnaataanik ilisarnaaserneqarsimanngitsunik tunineqassapput.

Imm. 2. Isertitsivimmiittut justitsministerimut, Danmarkimi Pinerluuteqarsimasunik Isumaginnittoqarfiup direktørianut, Kalaallit Nunaanni Pinerluuteqarsimasunik Isumaginnittoqarfiup direktørianut, eqqartuussivinnut, Den Særlige Klageretsimut, Pineqartunut Aningaasartuutaanngitsumik Eqqartuussivikkoortitsisarneq pillugu Aalajangiisartunut, unnerluussisussaataitaasutut oqartussaasumut politiinullu, Folketingip Ombudsmandianut, Inatsisartut Ombudsmandiannut, Folketingimi ilaasortanut, Inatsisartuni ilaasortanut, Inuit Pisinnaatitaaffii pillugit Europami Eqqartuussivimmut, Naalliutitsisarneq Akiorniarlugu Europami Komitémut, FN-ip Inuit Pisinnaatitaaffii pillugit Komitéanut, FN-ip Naalliutitsisarneq Akiorniarlugu Komitéanut pisortanilu oqartussaasunut allanut allagaasa frimærkii isertitsiviup aningaasartuutigissavai.

Imm. 3. Pisuni ataasiakkaani pissutsit immikkut ittut tamanna pissutissaqartippassuk isertitsivimmiittup illersuisumut eqqartuussissuserisumulluunniit akuerisaasumut pineqartoq sinnerlugu pinerluttulerineq pillugu suliami isertitsivimmut inissinneqarnermut pissutaami pinerluttulerinerluunniit pillugu suliami suli ingerlasumi illersuisutut toqqarneqarsimasumut pineqartulluunniit nammineq toqqagaanut allakkat frimærkii isertitsiviup aningaasartuutigisinnaavai.

§ 3. Isertitsivimmiittumut allakkat isertitsivimmiittullu avammut allagai i-sertitsiviup ammartarlugillu matusassavai, isertortumik eqqussiniarnerup annissiniarnerulluunniit pinngitsoortinneqarnissaa siunertarlugu, taamaattorli tak. imm. 3 aamma 4.

Imm. 2. Isertitsivimmiittunut allakkanik isertitsivimmiittullu avammut allagaanik ammaaneq isertitsivimmiittoq isigitillugu pisassaaq, allakkat atuarneqaaqqaartarnissaat pillugu aalajangiisoqarsimanngippat.

Imm. 3. Isertitsiviup allakkat imm. 1-imi aalajangersagaq malillugu ammannitsoorsinnaallugillu matunnitsoorsinnaavai

- 1) tamanna inimi ammasumi sallaannerusumik aaqqissuussinertut illersorneqarsinnaappat, aamma
- 2) tamanna immikkoortorta qarfirmi inimi matoqqangajattumi pippat, tamannalu pisuni ataasiakkaani torersuutsitsinermi isumannallisaanermiluunniit isiginiagassat imaluunniit inatsimmik unioqqutitsinikkut eqqugaasup illersorneqarnissaanik isiginiagassaq aallaavigalugu illersorneqarsinnaasoq naliliisoqarpat.

Imm. 4. Isertitsivinniittut nakkutigineqaratik justitsministerimut, Danmarkimi Pinerluuteqarsimasunik Isumaginnittoqarfiup direktørianut, Kalaallit Nunaanni Pinerluuteqarsimasunik Isumaginnittoqarfiup direktørianut, eqqartuussivinnut, Den Særlige Klageretsimut, Pineqartunut Aningaasartuutaanngitusmik Eqqartuussivikkoortitsisarneq pillugu Aalajangiisartunut, unnerluussisussaataasutut oqartussaasumut politiinullu, Folketingip Ombudsmandianut, Inatsisartut Ombudsmandiannut, Folketingimi ilaasortanut, Inatsisartuni ilaasortanut, Inuit Pisinnaatitaaffii pillugit Europami Eqqartuussivimmumut, Naalliutitsisarneq Akiorniarlugu Europami Komitémut, FN-ip Inuit Pisinnaatitaaffii pillugit Komitéanut, FN-ip Naalliutitsisarneq Akiorniarlugu Komitéanut imaluunniit illersuisumut eqqartuussissuserisumulluunniit akuerisaasumut pineqartoq sinnerlugu pinerluttulerineq pillugu suliami isertitsivimmumut inissinneqarnermut pissutaami pinerluttulerinerluunniit pillugu suliami sulii ingerlasumi illersuisutut toqqarneqarsimasumut pineqartulluunniit nammineq toqqagaanut allaffiginneqatiginnissinnaatitaapput.

§ 4. Isertitsivimmiittumut isertitsivimmiittumillu allakkat aatsaat atuarneqarsinnaapput tamanna torersuutsitsinermi isumannallisaanermiluunniit isiginiagassat imaluunniit inatsimmik unioqqutitsinikkut eqqugaasup illersorneqarnissaanik isiginiagassaq aallaavigalugu pisariaqartoq isertitsivik naliliippat.

Imm. 2. Allakkat atuarneqassasut pinerluttulerineq pillugu inatsimmi § 217, imm. 4, tak. imm. 3, tunngavigalugu aalajangiisoqarpat isertitsivimmiittoq tamatuminnga ilisimatinneqassaaq. Ilisimatitsinerli sapaatit akunneri sisamat tikillugit kinguartinneqarsinnaavoq, ilisimatitsineq allakkanik atuaanerup siunertaanik maangaannartitsissappat.

§ 5. Allakkat atuarneqarsimatillugit allakkat atuarneqartut isertitsiviup pisortaata aalajangiineratigut unitsinneqarsinnaapput, allakkat taakku torersuutsitsinermi isumannallisaanermiluunniit isiginiagassat imaluunniit inatsimmik unioqqutitsinikkut eqqugaasup illersorneqarnissaanik isiginiagassaq aallaavigalugu nassiunneqartariaqanngippata.

Imm. 2. Allakkat nassiunneqartut pissutsit imm. 1-imi taaneqartut pissutigalugit tunniunneqartariaqanngitsut, utertillugit nassiunneqassapput. Allakkalli nassiunneqartut unitsinneqarsinnaapput, tamanna isumannaallisaanermi isiginiagassat pissutigalugit pisariaqartutut isigineqarpat.

Imm. 3. Allakkanik unitsinneqartunik nassiussisoq unitsitsineq pillugu ilisimatinneqassaaq. Ilisimatitsinerli sapaatit akunneri sisamat tikillugit kinguartinneqarsinnaavoq, ilisimatitsineq allakkanik atuaanerup siunertaanik maangaannartitsissappat.

§ 6. Allakkanik atuaasoqassasoq, unitsisisoqassasoq utertitsisoqassasorlu aalajangiisoqarpat tamatumunnga pissutaasoq allakkanillu atuaarnerup qanoq paasisaqarfiunera pillugit allakkiortoqassaaq (notat). Allakkiami aammattaaq atuarneqarsinnaassaaq aalajangiinermi pineqartoq aalajangiinerup Pinerluuteqarsimasunik Isumaginnittoqarfiup direktørianut naammagittaalliuutigineqarsinnaaneranik aamma naammagittaalliornissamut piffissaliussamik ilisimatinneqarsimasoq.

§ 7. Allakkat unitsinneqartut isertitsivimmi toqqortarineqassapput. Allakkat taakku politiinut imaluunniit Pinerluuteqarsimasunik Isumaginnittoqarfimmi oqartussaasunut allanut tunniunneqassapput, tamanna allakkat imaasa pisariaqalersippassuk.

Kapitali 2

Telefonikkut oqaloqatigiinnerit

§ 8. Isertitsivinniittut pinerluttulerineq pillugu inatsimmi § 217-imi malittarisassat tunngavigalugit telefonikkut oqaloqatiginnissinnaatitaapput, taamaattorli tak. § 9.

§ 9. Paaqqinniffiup inini matoqqangajattuni matoqqasuniluunniit telefonikkut oqaloqatiginnittoqarnissaa itigartitsissutigisinnaavaa, telefonikkulluunniit oqaloqatigiinnerit tusarnaarsinnaallugit, tamanna torersuutsitsinermi isumannallisaanermiluunniit isiginiagassat imaluunniit inatsimmik unioqqutitsinikkut eqqugaasup illersorneqarnissaanik isiginiagassaq aallaavigalugu pisariaqartutut isigineqarpat, taamaattorli tak. imm. 2.

Imm. 2. Isertitsivimmiittup inummik oqartussaasumilluunniit § 3, imm. 4-mi taaneqartunik telefonikkut oqaloqatiginninneri najuuffigineqaratilluunniit tusarnaarneqassanngillat.

Imm. 3. Telefonikkut oqaloqatiginninneri najuuffigineqartuni tusarnaarneqartuniluunniit oqaloqatiginneq oqaatsit oqaloqatigiinnermi najuuttup tusarnaartulluunniit paasisinnaasai atorlugit ingerlanneqassasoq piumasaqaatigineqarsinnaavoq. Pissutsit tamanna pissutissaqalersippassuk oqalutsimik atuisoqarsinnaavoq.

Kapitali 3

Atortuulersitsineq

§ 10. Nalunaarut manna 1. januar 2010-mi atuutilersinneqarpoq.

Kalaallit Nunaanni Pinerluuteqarsimasunik Isumaginnittoqarfik, 7. december 2009

THOMAS NICOLAJSEN